



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum, die Jovis septimo,
mensis Martii, anno Domini M. DCC. XLIII.

M. ANTONIO CASAMAJOR, Regio librorum
Medecinæ Censore, Doctore Medico, Præside,

An à temporum varietate varii morbi?

I.



OSUIT Deus hominem in manu consilii, hujus vitæ
usum arbitrio permisit, incolumitatem & diuturnitatem
arti tradidit; hæc qui negant deo injuriam faciunt; Me-
dicus naturæ minister, interpret, adjutor, ad sanitatem
totis viribus nititur, suæque consilia ita dirigit ut eâ vi-
gente aut restitutâ conquietetur. Corpus humanum una res est, ejus-
dem una perfectio, nempe sanitas; hanc actionum integritas, nativa-

A

que pulcritudo constituunt. Medicina non unius hominis scientia est, sed multorum hominum in unum quasi collecta doctorum cuiusque ætatis, cuiusque regionis, variis lucubrationibus coacervata, nullis limitibus clausa, sed in totum universæ naturæ campum extensa, tanquam planta vivax, & vegeta suis inhærens radicibus, perpetuò crescens & producens, cuius sors & conditio ea est ut fertilium ingeniorum laboribus nova capiat incrementa. Mineralia, vegetabilia, animalia ejus sunt regna. Omnia ergo quæ in principio creavit Deus, cælum scilicet, & terra, utriusque educta, producta, nubila, venti, imbres, anni tempestates, temporumque vicissitudines, alterationes, inversiones, medici sunt objecta.

I I.

QUANTUM elementaris regio cœlesti debeat, atque hæc cum istâ naturali fœdere consentiat, omnibus naturæ indagatoribus notum opinor; sed quibus nexibus tota mundi compages cohareat, quove nutu inferiora trahantur à superioribus, non ita perspectum existimo; * hæc ludibria sibi, nobis miracula, ingeniosa fecit natura; neque vero quisquam diffitebitur diversos esse ordines eorum quæ ultrò citròque astrorum regina distinguit, nisi qui Aristotelem oscitantè legerit, aut negligenter intellexerit; naturas toto genere diffitas in unum coire, simulque coalescere à sensibus parum facile, ab intellectu difficile comprehenditur; sic tamen æternus orbis conditor omnia miscet & sociat, sic universi machina condita est, sustinetur & conservatur; verum enimvero licet stabili lege moveantur sempiternæ spheræ, multis tamen oppositis voluminibus anni tempora dividunt, subvertunt, & mutant, aeremque aliter atque aliter dispergunt, hinc fit ut penes ipsas motus, penes nos mutatio insignis spectari debeat, & æstimari, ideoque astronomiam non parùm ad medicinam conferre, sed etiam medico necessariam docet divinus senex, * ut ex solis motu, siderumque concursu, influxu, morborum eventus præfagiat.

I I I.

NASCI, vivere, mori, hominum sors est atque conditio. Ortus nostri unica via est, interitus verò multiplex. Alimenti tam solidi quàm liquidi intus susceptione, vivimus, morimur; aeris substantiâ juvamus, afficimur; sex rerum non naturalium usu reficimur, deficimur; eorum fumendorum tempus natura indicat, ordinem & præparationem ars præscribit; quænam sit horum præparatio & quibus

* I lin. hist.
nat. lib. 16.
cap. 32.

* Lib. 2^o de
diætâ.
Idem. lib. de
aeribus, locis
& aquis.

temperamentis hæc omnia aut noceant, aut conveniant, cur, quando, & quomodo soli medico diatetico dijudicandum. Sanitatis præsidia, morborum fontes in iisdem reperiuntur; ab aeris temperamento ut plurimum desumuntur contagia plùs minùsve horrenda secundum varia anni tempora. Solis motus, siderumque ortus & occasus non perse, sed ratione subiecti bona vel mala efficiunt; singula anni tempora mutant, à quibus humores & corpora variè afficiuntur, ob varias aeris mutationes; non tamen in omnibus æqualiter, quia non modo naturæ, ætates, loci, sed etiam morbi ad alia tempora benè aut malè se habent pro variâ cælorum conversione. Qualis aer, talis humor in corpore dominatur. Singulis anni temporibus sui sunt congeneres affectus, ver, æstas, autumnus, hyems, affines provocant morbos, propter temperamenti analogiam, in eos facilè incidit quisquis, in eadem terrâ degens, simili temperamento; æquali complexione præditus est.

I V.

SANITATIS præsidia, morborum causæ, ab aeris temperamento nonnumquam desumuntur, ex aere, pluviis, ventis, cæli statu; locorum naturâ, variè immutantur secundum varia anni tempora; æstas quæ sicca & calida esse debet, interdum frigida fit & pluviosa, propter rerum inferiorum inordinationem variasque astrorum motiones, atque conjunctiones. Hinc valetudinis & morbi causæ oriuntur autore Galeno *. Sanitas in functionum integritate posita est, functionum integritas in naturali quâdam partium diathesi, in humorum temperaturâ; utramque aeris qualitates, inæqualites, excessus, defectus, immutant, alterant; natura subitas aeris mutationes ferre nequit, propter transitum ab uno extremo ad aliud. Nihil magis solidorum tonum & symmetriam infringit, fluidorum harmoniam & concordiam magis evertit, quàm præceps temporum mutatio, subita v. g. caloris aut frigoris vicissitudo, non modo toto alicujus temporis curriculo, sed uno etiam die. Æstu enim fermentescunt humores, incandescent; frigore concresecunt, putrescunt, partesque nutritioni dicatas in sympathiam trahunt; hinc Fernelius noster tria recenset communium * morborum genera; Endemium à terrenis expirationibus, Epidemicum à temporum tempestatumque mutatione, pestilentem à malignâ qualitate calitûs demissâ; corrupto enim cæli tractu, vitiatæque aurâ cagastici nascuntur morbi, ex aeris dyscrasiâ corrumpuntur corpora, ex corporum corruptelâ grassantur undique mala, quorum miasmata per aerem disseminata ita germine pullulant ut nulla alia Pandoræ pixis fuisse videatur.

* Lib. III.
de diebus criticis.

* Lib. 2^o. de
abdicis rerum
causis.

* Hipp. aph.
XIX. lib. III.

AER in hominis vitam invadit sub diversorum specie variâque conditione, ut fuerit cujusque hominis natura, ætas, solis & cœli constitutio, tantâque aeris in agris & sanis habenda est ratio ut sine eo * neque sanitas servari, neque morbus tolli possit. Omne morborum genus, omnibus anni temporibus existit, multi tamen certis anni tempestatibus faciliùs ingravescent, quàm plurimi nascuntur vitio temporum, cuique anni tempori peculiare sunt alii. Ver suos habet morbos, sui sunt æstati, autumnus, hyemi. Suosque iterando cursus in sese volvunt tempora: hinc revertuntur anni, renovantur morbi, subvertuntur quandôque anni tempora, ver in æstatem, æstas in autumnum, autumnus in hyemem, hyems in ver degenerat; hæc temporum inversione invertuntur morbi, vernaes tempore æstivo; æstivi tempore autumnali; autumnales tempore hyemali; hyemales tempore vernali sæpe sæpiùs homines invadunt; aeris vicissitudines ad morbos maximè conferre docet Hippocrates*. Auster inquit diù dominatum tenens, auditum hebetat, capitis gravitatem, segnitiam & corporis laxitatem affert; si autem aquilo, ab axe ruens, terras perflat, tussis movet, eveniunt faucium morbi, urinæ difficultates, dolores pectoris; hinc sequitur juxta mentem Hippocratis quod aeris mutationes morbos pariant* ac proinde quod ea quæ maximè aerem mutant, ad morbos maximè faciant.

* Arh. V.
lib. III.

* Hipp. lib.
III. Aph. I.

Ergò à temporum varietate varii morbi,

Proponebat Parisiis, FRANCISCUS BERNARD, Abrincensis,
Saluberrimæ Facultatis Medicinæ Parisiensis Baccalaureus,
A. R. S. H. 1743. à sextâ ad meridiem.